



ՀՀ, ք. Երևան, Մոսկովյան 40,
Հեռ. 51-60-21, 56-00-21
Էլ. հասցե՝ museum@toumanian.am

40 Moskovian Str., Yerevan, RA,
Toll: 51-60-21, 56-00-21
Email: museum@20.10.2020am

ԴԻՄՈՒՄ ԱՇԽԱՐՀԻ ՄՇԱԿՈՒԹՅԱՆ ԶԱՆՐՈՒԹՅԱՆԸ

Հայ ժողովուրդը կրկին ոչնչացման վտանգի մեջ է: Մեպտեմբեր 27-ից մինչ օրս Ադրբեջանը շարունակում է վայրագ հարձակումներ Հայաստանի և Արցախի խաղաղ բնակչության վրա, ոչնչացնում է հայ դարավոր մշակութային ժառանգությունը, որը համամարդկային քաղաքակրթական արժեք է: Վտանգված է Լեռնային Ղարաբաղի ժողովրդի ոչ միայն ինքնությունը, այլև ֆիզիկական գոյությունը: Եվ այս ամենն իրագործելու համար Ադրբեջանը աջակից ունի Թուրքիայի Հանրապետությանը: Հայ ժողովուրդը, ցավոք, կարծեք կրկին վերապրում է 100 տարի առաջ տեսածն ու ապրածը: Հարավային Կովկաս է վերադարձել Թուրքիան՝ շարունակելու իր ցեղասպան քաղաքականությունը:

100 տարի առաջ, գրեթե ճիշտ այս շրջանում էր, որ մեծ հումանիստ, խաղաղարար ու խաղաղություն պարտադրող Ամենայն Հայոց բանաստեղծ Հովհաննես Թումանյանն իր կոչն էր հղում լուսավորյալ պետություններին ու աշխարհի ժողովուրդներին՝ իր ազգի կործանման դեմն առնելուն իրենց ակտիվ մասնակցությունը բերելու համար: «Հաստատ համոզված եմ, որ այս դժվար ընթացքին քաղաքակիրթ ժողովուրդները չեն ցանականա լինել հայերի արյունոտ ողբերգության և կործանման անտարբեր դիտորդներ, և հանուն հումանիզմի ու մարդասիրության չեն մերժի գալ օգնելու հայ ազգին, որն ապացուցել է իր ընդունակությունը կուլտուրայի և առաջադիմության մեջ»:

Ուստի Հովհաննես Թումանյանի թանգարանը՝ որպես Մեծ մարդասերի թողած ավանդների անմնացորդ կրողը՝ ի դեմս իր ժողովրդի, դիմում է Ձեզ՝

բարձրացրեք ձեր ազնիվ, վճռական ու խստագույնս դատապարտող ձայնը՝ ի պաշտպանություն քաղաքացիական ազատ կյանքի միջազգային արդար իրավակարգի, որն այժմ կոպտորեն խախտված է ագրեսորների կողմից արցախահայության նկատմամբ,

եղեք մարդասիրության և մշակութային արժեքների պահպանման առաջամարտիկը Ձեր երկրում և համայն մարդկության համար

եկեք միասին դադարեցնենք հետզհետե ծավալվող պատերազմը, կատարենք մարդու՝ երեխայի, մոր, տարեցի ու երիտասարդի ապրելու իրավունքի պաշտպանության սրբազան գործը:

պատերազմի ընթացքում մշակութային ժառանգության վայրերի միտումնավոր ոչնչացումը միասնաբար որակելով հանցագործություն՝ եկեք բարձրաձայնենք, որ խաղաղություն, միայն խաղաղություն է հարկավոր աշխարհին. դրա հաստատման գործում ցուցաբերեք Ձեր մեծ ու լուսավոր դերը:

Քանզի միայն խաղաղ համակեցությամբ է հնարավոր արարել, որի հաստատման համար այսօր արիաբար ու անկոտրում կամքով իր կյանքն է նվիրաբերում հայ զինվորը:

Հարգանքով՝

Հովհ. Թումանյանի թանգարան

